

von Wulf Wager

Delikate Froga!



En dr letschta Zeit han i mi amol mehr mit de Ondrschied von de Frau und de Männer beschäftigt. Do tauchat soviel unbeantwortete Froga auf.

A paar Beispiel:

1.

Wierom sitzt ma auf a Biddet na? Mit em Gesicht oder mit dem Arsch zur Wand? Alle wo i des gefrogt han, hend bloß mit em Kopf geschüttelt. Net amol mein Lieblings-Flaschner hot do a Antwort druf geht.

Schreibat Se mir, liebe Leser, wenn Sie's wissat.

2.

Was hend Frau früher gmacht, wo 's no koine Slipeilaga geba hot? Vor hondert Jahr hot 's jo net amol Ondrhosa geba. Heut gibt 's jo sogar Slipeilaga für Stringtangas. Sie wissat o: Stringtangas hoißat auf Schwäbisch Ritzaputzer oder „A-Nixle-om-a-Bixle“. Wenn mr des uf d' Männer übertraga dät, misstat mir jo Tropfafänger an onsern Zäbädäus hänga, wie mr des frieher bei de Sonntagskaffee-kanna ghet hot.

4.

In de bessere, nuere Autos geit's Sitzheizonga. Mir Männer brauchat so ebbes net. Bei ons isch des sogar schädlich, denn dui Wärme macht ons zeugungso'fähig – sagat Wissaschaftler. Des isch bestimmt von irgendwelche scheinemanzierte Männerhasserinna erfonda worda, om ons auszurotta. Ond des bloß, weil dia Frau warme Zwetschga brauchat. Erfindat doch Slipeilaga mit Heizong – a Spirale hend jo scho manche!

Bis näggschd Woch'

Ihr